



"Allahov Poslanik, sallallahu 'alejhi ve sellem, podučavao nas je tešehhudu, kao što nas je podučavao nekoj suri iz Kur'ana."

Ibn Abbas, radijallahu 'anhu, je kazao: "Allahov Poslanik, sallallahu 'alejhi ve sellem, nas je podučavao onome što se izgovara na sjedenju (u namazu) isto kao što nas je podučavao nekoj suri iz Kur'ana. Govorio bi: 'Et-Tehijyatul-mubarekatu ves-salavatut-tajibatu lillahi, es-selamu 'alejke ejjuhen-Nebiju ve rahmetullahi ve berekatuhu, es-selamu 'alejna ve 'ala 'ibadillahis-salihin, ešhedu en la ilahe illallah ve ešhedu enne Muhammeden resulullah - Sve najljepše počasti, svi ibadeti i sva hvala pripadaju Allahu, a neka je sa tobom, o Vjerovjesniče, mir, Allahova milost i blagoslov. Neka je mir sa nama i svim Allahovim dobrim robovima. Svjedočim da nema drugog Boga osim Allaha i svjedočim da je Muhammed Allahov poslanik.'" U predaji Ibn Rumha: "Kao što nas je podučavao Kur'anu."

[Vjerodostojan] [Hadis bilježi imam Muslim]

Ovaj nam hadis pojašnjava način učenja na tešehhudu, te da se Poslanik, sallallahu 'alejhi ve sellem, trudio da ashabe poduči tešehhudu, kao što ih je podučavao kur'anskim ajetima. Tešehhud glasi: "Et-Tehijyatul-mubarekatu ves-salavatut-tajibatu lillahi, es-selamu 'alejke ejjuhen-Nebiju ve rahmetullahi ve berekatuhu, es-selamu 'alejna ve 'ala 'ibadillahis-salihin, ešhedu en la ilahe illallah ve ešhedu enne Muhammeden resulullah - Sve najljepše počasti (veličanja), svi ibadeti i sva hvala pripadaju Allahu, a neka je sa tobom, o Vjerovjesniče, mir, Allahova milost i blagoslov. Neka je mir sa nama i svim Allahovim dobrim robovima. Svjedočim da nema drugog Boga osim Allaha i svjedočim da je Muhammed Allahov poslanik." Ovaj oblik sličan je poznatom načinu tešehhuda koji se prenosi od Ibn Mes'uda, radijallahu 'anhu, s tim što je razlika u dodatku el-mubarekat, kao i u brisanju veznika u dvije riječi nakon toga. Propisano je učiti različite tešehhude koji se prenose.

<https://sunnah.global/hadeeth/bs/show/10943>